

Projekt i përbashkët i Ministrisë së Ekonomisë dhe organizatës zvicerane LOGOS

Në katër komuna nis regjistrimi i pronave të paregjistraura

Ky projekt do të përfshijë Vitinë, Kaçanikun, Kllokotin dhe Shtërpçën. Sipas Norbert Piljs, koordinator i projektit LOGOS, komunat me rritjen e shkallës së inkasimit të tatimit në pronë do të janë më pak të varura nga buxheti qendror

KOHA
Buletin

IBRAHIM SEFEDINI

VITI, 15 QERSHOR – Në mbështetje të projektit LOGOS të Qeverisë zvicerane dhe departamentit për tatimin në pronë të MEF-it, në komunat Viti, Kllokot, Kaçanik dhe Shtërpçë, kanë nisur implementimin e programit për regjistrimin e pronave të paregjistraura për tatimin në pronë. Për implementimin e këtij programi, përmes projektit

LOGOS, janë angazhuar stafi shtesë i punëtorëve në sektorët e tatimit në pronë dhe për këta punëtorë janë zhvilluar trajnimet e nevojshme për punë në terren si dhe janë siguruar pajisjet teknike të nevojshme për punë. Mentor Rexhepi, zyrtar i projektit LOGOS, ka thënë se në Komunën e Vitisë dhe Kaçanikut, janë angazhuar edhe nga pesë punëtorë, kurse për komunat Shtërpçë dhe Kllokot nga dy punëtorë sht-

esë në sektorin e tatimit në pronë dhe se këta punëtorë krahas aftësimit për punë në terren janë pajisur edhe me aparaturë të nevojshme për matjen e pronave të paregjistraura. “Krejt kjo është bërë që në këto komuna të rritet shkalla e inkasimit të tatimit në pronë si një nga të hyrat kryesore të buxheteve komunale”, ka thënë Rexhepi. Ndërsa Norbert Piljs, koordinator i projektit LOGOS, ka thënë se si rezultat i këtij programi do të shtohen të hyrat në buxhetet komunale, të hyra këto që do të shfrytëzohen për të mirën e qytetarëve. “Komunat me rritjen e shkallës së inkasimit të tatimit në pronë do të janë më pak të varura riga buxheti qendror dhe me këto mjete do të realizojnë më shumë projekte në të mirë të qytetarëve”, është shprehur Piljs. E, Shkëlzen Morina, drejtor i departamentit të tatimit në pronë në MEF, është shprehur se komuna e Shtërpçës, në këtë fazë veç ka filluar me regjistrimin e pronave përmes GPS-it dhe shumë shpejt do të fillohet edhe në komunat tjera. “Inkurajoj edhe komunat tjera që po fillojnë me këtë program që të punojnë në drejtim të regjistrimit të pronave dhe në vitin 2012 të kemi shkallë më të lartë të inkasimit të tatimit në pronë”, ka thënë Morina.

